

aliquis quidnam illud extiterit : cur uaiiores eum locum ignorari maluerint : neq; sepulcro aliquo specioso splendidoq; recondi. Sane eiusce rei plures afferri solent rationes: ut de re antiquissima: Quam necesse sit coniecturis potius assequi: q̄ scripturis. Harum illa mihi uidetur ceteris preferenda. Quo uidelicet depositum illud: omni thesauro preciosius: tutius fidelibusq; ab omni iniuria seruaretur. Nam quum ea ratione has reliquias maximum cum periculo atq; letitia: accepissent: ut apud eos. Seculis omnibus essent futura: cui nam mirum uideri debet: si eo loco sitas esse uoluerunt: unde nulla uis: aut ingenium: non ignis: non ferrum posset eruere. Nempe ex ignoto loco tollere furtum potest nemo. Ex quocunq; cognito ac perspecto tolli potest. Nullę sunt custodię: quas aurum nō labefactet: ut neq; turres: nec arces ab auri machina sint tutę: piculum quotidie facimus & uidemus. Dederant ipsi paulo ante testimonium: Qui hunc ipsum sanctum e sepulchro alexandrino corruptis custodibus: abstulissent. Cur non igitur idem quoq; ueneti domi suę fieri posse dubitarent? Sic uertente conditione rerū humanarum: ut quod alicubi accidit: ubiq; possit accidere. Vidimus etate nostra furtum illud famosissimum stāmatii cretensis: Quo nullum unq̄ in toto orbe maius: preciosius ue per petratum est: Quum ex sancti Marci sacratio: perforatis ecclesię parietibus euulsisq; marmoribus gemmas omnes & uasa queq; preciosissima quinq; continuatis noctibus: domum suam asportauit. Dumq; furto incubat atq; heret cogitabundus quid consilii capiat: captus ipse est cū omni gaza & in sequenti luce in crucem sublatus. Videbat semel locum ingressus una cum familia principis cuiusdam : cui thesauri ostendebantur. Singula notauit. Aggressusq; est quod uix ullum ingenium excogitare potuisset. Id profecto non esset ausus: si locum omnem: & quę circa essent non uidisset: resq; ibi quas abstulit oculis non notauisset. Maxima reliquiarum pars quę in hac urbe uisuntur per eundem fere modum sunt delatę. Itaq; uerum illud est qđ uulgo dicitur. Quę procul absunt ab oculis: absunt procul a corde. Causa igitur cur ignorari maluerunt tribuni non potest nisi. Euangelistę caritati quemadmodum accidere uidemus in preciosissimis quibusq;: ut maxime abscondamus quę magnopere diligimus. Legi senatus consultum admodum peruerustum: Quo maiorum diligentia narratur in sanctorum corporibus in hęc urbem deferendis prohibet autem magnis adiunctis pēnis ne eorum sepulchra aperiantur. Sed diligentissime ferreis repagulis obstruantur. Qđ si ea fuere maiores nostri diligentia in aliis sanctorum reliquiis: Quāto uerissimilius est qđcūq; excogitari potuerūt in proprii patroni salutē & tutamē adhibita? cā nobis est expedita generalior quidem: & quę ad omnia fortuita cauēda referatur.